

國朝耆獻類徵初編卷二百三十七目錄

守令二十三

莊繩祖

胡敘甯

子令端
蔣一璉

鄧文起
張震

侯可儀

子鈴

柳秉謙

葉藩

周曰萬

從弟挾
鄒麟書

王元啟

朱山

劉夢鵬

鄧夢琴

陶其懔

李炳

康基淵

莊映

徐士龍

魯潢

莫宗蔭

鄧正琮
徐日炯

李正中

謝世應
詹顯紳

補錄

王元啟

國朝耆獻類徵初編卷二百三十七

通奉大夫前署江西巡撫江西布政使司布政使湘陰李桓輯

守令二十三

莊繩祖

君姓莊氏諱繩祖字蜚英晚號樂閒居士世爲武進人曾祖諱京生順治戊子副貢生考授知縣祖諱騫 贈奉直大夫直隸開州知州考諱懷杞國子監生考授縣丞 贈如君官母趙氏故講官編修諱申季女也自曾祖以上代通顯至縣丞而中落君少居貧能自刻厲季父官東安令監視倉稅雞鳴至稅所暇卽讀書晚歸衙齋讀仍弗輟旣而幕客皆睡釭中油竭挹人所餘者注之如是

以爲常乾隆十五年庚午以北籍生員中順天鄉試舉人屢應禮部試不第丙戌大挑奉 旨發往山西以知縣用初權平陽府同知旋授交城知縣勞心諄諄一以撫字爲事有少女殺於野君集村人履勘某某者視速脣動君密召女父母問識此二人否曰是日黎明獲尸實見二人共居高阜君曰地甚僻爲時又早不宜有人至必殺人者內怯於此偵探耳嚴詰之果女不受汙被殺燕某縊其妻及其弟之妻誣鄰威逼至則二婦共縊一索足離牀二尺許土牀又設木榻君卒然問曰榻非舊在此乎然則婦由汝死何誣鄰爲燕堅不承君曰此易知耳果自縊必有承其足者非逼之使縊抽榻而何燕辭塞蓋二婦皆不謹燕故欲其死適與鄰仇遂

縊而致誣也縣中稱神明縣故產羊皮及白鷹大吏皆歲徵之然
白鷹實不數見前官於羊皮多減值浮取白鷹則剋期令山民分
捕民競納賕乃免君至給羊皮民價而白臺使革取鷹之弊嘗得
檄取野雞千頭吏思夤緣爲利請仍飭民捕君弗許勵買百餘頭
應焉方是時巡撫爲鄂寶公布政使爲朱公珪二公者以清節聞
天下待僚屬開誠布公故君得久任而展其志如此會大計將條
君治行以上君以年逾六十非老氏止足之義遽引疾歸去之日
縣民遮道送數十里不絕道經太原眾問車中何人僕夫以告皆
曰是交城賢父母也胡爲欲歸有挽車以送者其後交城人來官
南中及里人之客山右無不嘖嘖道遺愛以爲君去莫之能繼吾

郡有鬻裘者家交城忽登堂請見時君目已盲鬻裘者再拜曰自
公歸邑父老日冀公復出今日盲其不能重莅吾土矣歔歔而去
烏虜何以得此於人人哉君天性誠樸至老不失赤子心誨人循
循弗倦甲午同考鄉試知名士多出其門歸田後唯事吟詠與同
里宣城訓導程君景傳潁州知府蔣君熊昌及君族父勇成族弟
選辰族孫宇達爲觴酒賦詩之社懷玉亦時與其閒積久倡酬頗
夥君超出於懷玉爲大父行顧嘗以弟畜之歲時過從興特豪逸
旣瞿恆鬱伊不自聊或攜酒肴就之意趣猶不減曩昔嘗爲賦二
盲詩翁歌君喜而屬和二盲者訓導程君故亦病目也君生康熙
五十六年十月八日卒乾隆五十六年四月一日春秋七十有五

娶吳氏繼娶董氏子二榮誥國子監生心喬女二嫁同里董襄仁
和周光肅

論曰後漢元和二年詔曰安靜之吏惻愍無華日計不足月計有
餘如君者殆其人歟迹其居官斷獄近知愛民近仁引退又似勇
非聞道而孰能之聞君臨終以三事敕其子曰毋作行狀毋修二
氏法毋增飾喪禮受親友賻而淹久不葬夫習俗移人而確然於
生死之際所養蓋非一朝夕之故矣

右別傳趙懷玉撰

胡敘甯

子令瑞

鄧文起

張瓚

蔣一璉

張震

胡敘甯字慎典湖南清泉人乾隆庚午舉人揀發山東知縣借補永阜場鹽大使時頻年大水有曾王兩族計口近萬居利津樂安界兩縣互諉竟不得與振敘甯以奉委查災至其地廉知之爲力請補振兩族人慶更生他善政類此去官時士民立碑紀德後有訟不得直者每焚香碑下對之流涕其遺愛可知已題授新泰知縣歲旱蝗禱神卽雨蝗隨滅縣人驚爲神以勞卒官多巷哭者子令瑞福建詔安場鹽大使署政和知縣有惠政同邑鄧文起字景韓乾隆癸酉舉人以知縣發福建補政和爲政崇尚儒術然嫉惡如讐宵小側目縣有劇盜號黑飛虎者多奧援前官不敢問會案

發文起持之急遂爲所反噬以失入落職政和父老百餘人赴行
臺省乞畱卒無白其事者歸橐蕭然僦居新城市授徒以終著萍
湘集閩中草東和藏橐張瓚乾隆丙子舉人官福建松谿知縣多
善政松谿士民立張公祠歲時奉祀蔣一璉字豈石父文誘附貢
生勇於爲善中年以疾棄舉子業喜藏書多手自校錄宅母憂時
年幾六十哀慕如嬰兒舉鄉飲賓一璉乾隆丙子鄉試第一庚辰
進士分發江西知縣疊遭父母喪哀毀成心疾遂不復仕初一璉
在京師年少通籍多結納當世賢豪尤善同年生畢沅後沅官湖
廣總督閱伍至衡州過從款洽絕不干以私是時清泉始析治庶
政旁午一璉佐縣令江恂經營建置公帑不足則捐私橐成之旣

又與陳三恪勸建懋屏書院士林感頌丙申歲大饑爲粥食餓者
發粟數千石活人以萬計平時宗黨待以舉火者不勝數也子廷
隴乙卯舉人任俠有父風張震字光四乾隆己亥舉人大挑分發
浙江歷署海鹽慶元二縣及温州通判嘉興防海同知事補麗水
知縣震清而儉居官峻卻苞苴廉俸所入搏節以濟公需在慶元
麗水彌補前任所虧倉穀數千石未嘗以顆粒擾民積勞卒於官
喪歸士民哭奠數十里不絕

右傳李元度撰

一、文獻公 燬十里不歸

一、文獻公 燬十里不歸

一、文獻公 燬十里不歸

一、文獻公 燬十里不歸

一、文獻公 燬十里不歸

一、文獻公 燬十里不歸

一、文獻公 燬十里不歸

侯可儀 子鈴

侯可儀字子達江蘇金匱人乾隆十五年副貢生授湖南知縣歷任新化龍山大府器之將特薦以養母歸母石年九十曲盡孝養服闋知安徽五河縣有惠政祀名宦先後仕十六年務靜化不事鞭扑宦橐蕭然子鈴字鍵六嘉慶十三年進士湖南安仁衡山知縣廉愛有父風鈴兄大鏞弟鶚皆知名族孫叔度煜並從鶚學皆有聲庠序

右傳楊熙之撰

侯可儀金匱人乾隆中知甯鄉縣日坐聽事勤理獄訟謂縣官一日耽閒待質者卽受一日株守之苦縣衝要上官往來無虛日可

儀循例供夫馬迎送亦惟其禮不冝事趨奉或遇要訟再四審讞
謀者報駟從臨境弗輟也上官多以爲慢聞民稱頌優容之調知
新化亦著政聲

右傳李元度撰

柳秉謙

乾隆辛巳署廣西新甯州知州補永淳縣知縣牧人柳侯卒少司
寇王公際華國子助教林公人槐張公元觀陳公彬走書謂錫胙
與侯爲同年生宜作傳備 國史採擇嗟乎柳侯之學行其止於
斯也夫侯諱秉謙字益夫又字牧人蘭溪人也裔出唐河東文肅
公後始祖敘宋南渡任浙江蘭溪尉殉國難藁葬城北因家焉族
姓繁衍世多廩仕祖文運 贈儒林郎父師殷 封儒林郎舉鄉
飲大賓侯大賓第四子也穎異端凝童戲時卽異羣兒年十七補
博士弟子二十選貢京師充教習授職知縣乾隆十五年揀發湖
南令朱旗彩綬過里門同學賀之侯曰顯親辱身判在此行矣里

老成人早覩其非俗吏云十六年署道州牧十七年授黔陽令二十一年調益陽令所至矢慎矢勤詢察民隱母字師教訟無畱曠賑荒恤患鋤暴植良民皆謳歌之先是湘鄉縣土民謝若天等聚眾劫奪戕民命憑恃險阻據懸崖鳥道兵卒畏阻莫敢誰何前令坐是獲譴者且五人矣中丞以才略傑出者莫侯若乃檄侯行侯夜率趨健三數人從閒道直抵盜穴盜猝不及備遂奪其器械縛其黨羽盜計窮始以其魁獻當是時軍民聞侯往咸私議侯年少書生深入虎口非惟事不克濟且其人可惜也及盜既獲軍民又相慶仁者之有勇如是中丞奏入天語褒嘉調侯湘鄉令益陽人畱之不得爲侯立去思碑并製侯長生牌位於神廟僧寺以祝